

Einwoner. III. Buch C. XXXIII. XXXIII.

des Lands / sol von Beth Jesimoth / bis an die breite Sittim des gefildes der Moabiter.

Israel vertreis **N**D der HERR redet mit Mose in dem gefilde der Moabiter an dem Num. 25. ben etc.

Jordan gegen Jericho / vnd sprach / Rede mit den kindern Israel / vnd sprich zu jnen. Wenn jr vber den Jordan gegangen seid in das land Ca- Dant. > naan / So solt jr alle Einwoner vertreiben fur ewrem angesicht / vnd alle jre Josu. 16. Seulen vnd alle jre gegossene Bilder vmbbringen / vnd alle jre Höhe vertilgen / Das jr also das Land einnemet vnd drinnen wonet / Denn euch hab ich das Land gegeben / das jrs einnemet. Und solt das Land austeilen durchs los vnter ewre Geschlechte / Denen der viel ist / solt jr deste mehr zuteilen / vnd denen der Num. 26. wenig ist / solt jr deste weniger zuteilen / Wie das Los einem iglichen daselbs Josu. 14. feldt / so sol ers haben / nach den stemmen jrer Veter.

WERdet jr aber die Einwoner des Lands nicht vertreiben fur ewrem angesicht / So werden euch die / so jr vberbleiben lasst / zu dornen werden in ewren augen / vnd zu stachel in ewrn seiten / vnd werden euch drengen auff dem Lande / da jr innen wonet. So wirds denn gehen / das ich euch gleich thun werde / was ich gedacht jnen zu thun.

XXXIII.

Grentze
des lands Canaan



ND der HERR redet mit Mose / vnd sprach / Gebeut den kin- Josu. 15. dern Israel / vnd sprich zu jnen. Wenn jr ins lande Canaan kompt / so sol das Land das euch zum Erbteil fellet im lande Ca- naan / seine Grenze haben. Die ecke gegen Mittag sol anfahen an der wüsten Zin bey Edom / das ewr grenze gegen Mittag sey vom ende des Salzmeers / das gegen Morgen ligt. Und das dieselb grenze sich lende von Mittag hin auff gen Akrabbim / vnd gehe durch Zinna / vnd sein ende von Mittag bis gen Kades Barnea / vnd gelange am dorff Adar / vnd gehe durch Azmon / Und lende sich von Azmon an den bach Egypti / vnd sein ende sey an dem Meer.

WER die grenze gegen dem Abend / sol diese sein / nemlich / Das grosse Meer / Das sey ewr grenze gegen dem Abend.

Die grenze gegen Mitternacht sol diese sein / Jr solt messen von dem grossen Meer / an den berg Hor / vnd von dem berge Hor messen bis man kompt gen Hamath / das sein ausgang sey die grenze Zedad / vnd desselben grenze ende gen Siphron / vnd sey sein ende am dorff Enan / Das sey ewr grenze gegen Mitternacht.

VND solt euch messen die grenze gegen Morgen / vom dorff Enan gen Sepham / Und die grenze gehe erab von Sepham gen Ribla zu Ain von morgen werts / Darnach gehe sie erab vnd lencke sich auff die seiten des Meers Cinereth gegen dem Morgen / vnd kom erab an den Jordan / das sein ende sey das Salzmeer / Das sey ewr Land mit seiner grenze vimb her.

ND Mose gebot den kindern Israel / vnd sprach / Das ist das Land / das Jr durchs Los vnter euch teilen solt / das der HERR gboten hat den neun Stammen vnd dem halben stam zu geben. Denn der stam der kin- Num. 38. der Ruben des hauses jres Vaters / vnd der stam der kinder Gad des hauses jrs Vaters / vnd der halbe stam Manasse haben jr Teil genommen. Also haben die zween stamme vnd der halbe stam jr Erbteil da hin / disseid des Jordans gegen Jericho gegen dem morgen.

Namen

VND der HERR redet mit Mose / vnd sprach / Das sind die namen der Männer / die das Land vnter euch teilen sollen / Der Priester Eleasar / vnd Josua der son Nun. Da zu solt jr nemen eines iglichen stams fürsten das Land soien austellen ic. aus zu teilen. Und das sind der Männer namen / Caleb der son Jephunne Josu. 14. des stams Juda. Samuel der son Ammihud des stams Simeon. Elidad der son Chislon des stams Ben Jamin. Buki der son Jagli fürst des stams der kinder